

Beibl i Blant  
yn cyflwyno

Y Tywysog  
ddaeth o'r  
Afon



Awdur: Edward Hughes

Lluniau gan: M. Maillot; Lazarus

addaswyd gan: M. Maillot; Sarah S.

Cyfieithydd: Catrin Roberts

Cynhyrchwyd gan: Bible for Children  
[www.M1914.org](http://www.M1914.org)

©2014 Bible for Children, Inc.

Trwydded: mae gennych hawl i gopïo neu argraffu'r stori hon,  
ar yr amod nad ydych yn ei gwerthu.



Roedd Joseff, y  
prif-weinidog, wedi  
marw! Roedd pawb yn  
yr Aifft yn rhannu  
tristwch ei deulu.



Roedd Duw wedi defnyddio  
Joseff yr Hebrewr i achub  
y wlad rhag newyn. Bu'n  
arweinydd doeth a  
phoblogaidd.

Nawr, roedd  
wedi mynd.



Aeth tri chan mlynedd heibio. Tyfodd pobl Joseff, yr Hebreaid, i fod yn genedl fawr yn yr Aifft.



Roedd y Pharo newydd yn ofni y byddai'r Hebreaid yn codi yn ei erbyn, felly gorfododd nhw i weithio fel caethweision.



Cafodd yr Hebreaid eu trin yn greulon gan Pharo.  
Cawson nhw eu gorfodi i adeiladu dinasoedd mawr.  
Ond dim ots pa mor galed oedd yn rhaid iddyn  
nhw weithio, roedd yr Hebreaid yn dal i  
dyfu mewn nifer.



Un diwrnod, rhoddodd Pharo orchymyn ofnadwy.  
"Rhaid taflu pob bachgen bach newydd ei eni i'r afon  
Nîl." Roedd Pharo drwg yn benderfynol o gael llai o  
Hebreaid yn y wlad- hyd yn oed oes oedd hynny'n  
golygu lladd  
babis!





"Beth allwn ni ei wneud?" meddyliodd un teulu.  
Dyma nhw'n penderfynu rhoi eu plentyn yn yr afon  
Nîl - mewn basged glyd oedd yn dal dŵr.



Fe wnaeth y cwch-basged bach arnofio yng nghanol  
y brwyn, gyda'i lwyth gwerthfawr. Beth fyddai'n  
digwydd i'r babi bach?



Roedd chwaer y babi'n sefyll heb fod yn rhy bell, yn gwylio'r fasged yn symud i fyny ac i lawr yn y brwyn.



Yn sydyn daeth merch Pharo a'i morwynion i ymolchi yn yr afon. Doedd dim ffordd o guddio'r fasged. Oedden nhw'n mynd i gerdded heibio heb sylwi?



"O! Dacw fasged yn y brwyn.  
Tybed beth sydd y tu mewn  
iddi." Gorchmynnodd merch  
Pharo i'w morwyn nôl y fasged  
a'i hagar. Dechreuodd y  
babi grio. "Plentyn un o'r  
Hebreaid sydd yma,"  
meddai'r dywysoges.



"Y peth bach. Rwy't ti'n fachgen mor dlws." Mae'n debyg fod merch Pharo wedi siarad gyda'r plentyn a dweud pethau fel "Gw-gw-gw" - mewn Eiffteg wrth gwrs.



Mae'n rhaid fod Duw wedi rhoi doethineb arbennig i  
chwaer y babi. Rhedodd at ferch Pharo a gofyn,  
"Ydych chi am i mi fynd i nôl un o'r  
gwragedd Hebreig i fagu'r plentyn  
i chi?" "Ydw", oedd yr ateb.  
At bwy aeth y ferch,  
meddyliwch  
chi?



"Mam! Tyrd yn gyflym! Brysia!" Efallai nad oedd gan y ferch amser i egluro. Rhedodd y ddwy yn ôl ar hyd y llwybr.





Lawr wrth yr afon, gofynnodd merch Pharo i'r wraig,  
"Dw i am i ti gymryd y plentyn yma, a'i fagu ar y  
fron i mi. Fe wna i dalu cyflog i ti  
am wneud hynny. Ei  
enw fydd Moses."  
Mae'n bosib mai  
ystyr Moses  
ydy mab o'r  
dŵr yn  
iaith yr  
Aifft.



Felly cafodd Moses fyw gyda'i rieni.  
Fe wnaethon nhw ei ddysgu i garu  
Duw a'r bobl Hebreig. Byddai'n  
symud i fyw at  
ferch Pharo yn  
y palas yn fuan.  
Roedd gan  
Dduw, oedd  
wedi achub  
ei fywyd,  
gynlluniau  
mawr ar gyfer  
y babi Moses.



Y Tywysog ddaeth o'r Afon

Stori o Air Duw, y Beibl

sydd i'w gweld yn

Exodus 2

"Pan ddatguddir dy air, bydd yn goleuo."

Salm 119:130



Y Diwedd



Mae'r stori hon o'r Beibl yn dysgu ni am ein Duw rhyfeddol.  
Fe wnaeth ein creu ni, ac mae eisiau i ni ei adnabod.

Mae Duw yn gwybod bod ni wedi gwneud pethau drwg, beth mae e'n galw'n bechod. Cosb pechod ydy marwolaeth, ond mae Duw yn dy garu di gymaint nes ei fod wedi anfon ei unig Fab, Iesu, i farw ar Groes, a chymryd y gosb am dy bechod di. Yna daeth Iesu'n ôl yn fyw a mynd adref i'r Nefoedd! Os wyt ti'n credu yn Iesu ac yn gofyn iddo faddau dy bechodau, mae'n barod i wneud hynny! Bydd yn dod i fyw ynot ti nawr, ac fe gei di fyw gydag E am byth.

Os wyt ti'n credu bod hyn yn wir, beth am ddweud hyn wrth Dduw: Annwyl Iesu, rwy'n credu i ti ddod yn ddyn i farw dros fy mhechodau, a dy fod ti'n fyw eto. Os gweli'n dda, tyrd i mewn i'm bywyd. Maddau fy mhechodau i mi gael bywyd newydd nawr, ac yna un diwrnod bod hefo ti am byth. Helpa fi i fod yn ufudd i ti, a byw fel plentyn i ti. Amen.

Darllena'r Beibl, a siarad gyda Duw bob diwrnod! Ioan 3:16

